

Qeqqata Kommuniani anigaasanik ikisilluni pinnguaatinut akuersissutinik tunniussisarnermi najoqqutassiat

1. Tamanut tunngasut

Una anigaasanik ikisilluni pinnguaatinut akileraarutit pillugit Inatsisartut inatsisaat nr. 3, 17. maj 1990-imeersoq kingusinnerusukkut allannguutaasut ilanngullugit, "pinnguaatit anigaasanoorutit" pillugit Namminersornerullutik Oqartussat nalunaarutaat nr. 31, 17. december 1996-imeersoq, Akileraartarnermut pisorta qarfiup "pinnguaatit anigaasanoorutit" iluanaarutillu anigaasannortittarneri pillugit ilitersuutaa 1994-imeersoq, kiisalu kommunalbestyrelsi aalajangiinera aggustip 25-ani 2009-meersoq, naapertorlugit suliarineqarpoq.

Illuni kikkunnilluunniit, peqatigiiffinni ilaasortaasunit assigisaannillu iserfigineqarsinnaasuni anigaasanik ikisilluni pinnguaatinik inissiinissamut, illoqarfimmi innuttaasut inuiaqatigiittut ataatsimoortumik nalilernerat aallaavigalugu, akuersissutinik kommunalbestyrelsi tunniussisarpoq.

Najoqqutassiamut iluanaarniutigalugit pinnguaatit (soorlu "pinnguaatit anigaasanoorutit") taamaallaat ilaapput.

Taamaattorli akuersissummik tunisinermi pissuserineqartartoq najoqqutassami uani – immikkoortoq 3 pinnagu - aamma iluanaarniutiginagit pinnguaatinut atorneqartassaaq.

2. Allaffissornikkut pisinnaatitaaffiit

Kommunalbestyrelsi aggustip 25-ani 2009-mi ataatsimiinnermini allaffeqarfik makkuninnga pisinnaatitaaffilerpaa:

Anigaasanik ikisilluni pinnguaatinut akileraarutit pillugit Inatsisartut inatsisaat nr. 3, 17. maj 1990-imeersoq kingusinnerusukkut allannguutit ilanngullugit, "pinnguaatit anigaasanoorutit" pillugit Namminersornerullutik Oqartussat nalunaarutaat nr. 31, 17. december 1996-imeersoq, Akileraartarnermut pisorta qarfiup "pinnguaatit anigaasanoorutit" iluanaarutillu anigaasannortittarneri pillugit ilitersuutaa 1994-imeersoq kiisalu najoqqutassiat uka malinneqartillugit, kommunalbestyrelsimi immikkut oqaluuserineqqaaratik anigaasanik ikisilluni pinnguaatinik inissiinissamut akuersissutinik najoqqutassat makku malillugit allaffeqarfik tunniussisinnaavoq:

3. Anigaasanik ikisilluni pinnguaatit inissinneqarsinnaasut amerlanerpaaffissaat

Qeqqata Kommuniani kommunalbestyrelsi aalajangiinera malillugu anigaasanik ikisilluni pinnguaatit 43-nik amerlassusillit inissinneqarsinnaapput. Kommunalbestyrelsi qinnuteqaatit nappertorlugit akuersissutit agguataassavai.

Akuersissuteqarnissamut piumasaqaatit:

Inip inissiiffiusup iluata inittussusia aallaavigalugu akuersissuteqarneq makku tunngavisatut malillugit nalunaarutigineqassaaq:

- inip iluani iikkamit iikkamut inittussuseq uuttortarlugu
- quit, containerit inissiiffimmit iikkamik matumilluunniit akunneqqutillit ilanngullugit naatsorsorneqassanngillat
- inittussusermik uuttortaaneq teknikkimut avatangiisinullu immikkoortortaqarfiimmit suliarineqassaaq akuerineqarluniluunniit
- inimit inissiiffiusumit ininut arlalinnut isaariaqarpat, isaarissamut atatillugu m²-it ininut assigiinngitsunut assigiimmik agguataarneqassaaq.

Aningaasanik ikisilluni pinnguaatinut akuersissutit uuttuutit makku malillugit tunniunneqartassapput:

- 0 - 30 m² : akuersissutit 2
- 30 - 50 m² : akuersissutit 2
- 50 - 100 m² : akuersissutit 1
- 100 - 150 m² : akuersissutit 1
- 150 - 200 m² : akuersissutit 1
- 200 - 250 m² : akuersissutit 1
- 250 - 300 m² : akuersissutit 1

Taamaalilluni ini 300 m²-inik imaluunniit sinnerlugu initutigisoq aningaasanik ikisilluni pinnguaatinik amerlanerpaamik 9-nik inissiiffiusinnaavoq.

Kommunalbestyrelsip ammarsarfissatut akuerisai malillugit ammarsarnissamik piumasagaatitalimmik akuersissut tunniunneqartassaaq. Kommunalbestyrelsip aggustip 25-ani 2009-mi aningaasanik ikisilluni pinnguaatit atorneqarsinnaaffii/ammarsarfissaat tulliuuttut aalajangersarpai: ullut tamaasa ullup-qeqqaniit matunissaap tungaanut, kingusinnerpaamilli unnukkut qulinut. Inissisimaffigisaq/-saat taaneqartup kingorna matusarpat, aningaasanik ikisilluni pinnguaatit unnukkut qulinut qaminneqassapput.

Taamatutaaq akuersissut tulliuuttut piumasagaatitalerlugu tunniunneqarpoq, tassa pinnguaatit parnaarneqarsinnaasumiitinneqassasut, taamaalilluni ammarsarfissatut aalajangersakkat malinneqarsinnaaqqullugit. Tamanna pinnguaatit inimut paarnaarneqarsinnaasumut inissinnerisigut pisinnaalluni, imaluunniit pinnguaatit ammaffissaasa naaneri-ni qamillugit.

4. Qinnuteqaatit kommunalbestyrelsimut oqaluuserineqqaartussat

Qinnuteqaatit, annerpaamik amerlassusiliinermik qaangiisussanngortitsisussat tigu-neqarpata, qinnuteqaatit ataasiakkaarlugit kommunalbestyrelsimut oqaluuserisassanngorlugit saqqummiunneqartassapput. Peqatigitillugu amerlassusiliilluni agguataarineq iluar-siissuteqarsinnaanissaq siunertaralugu kommunalbestyrelsimi oqaluuserineqassaaq.

Qinnuteqaatit saaffiginnissutilluunniit allanut tunngasut, allaffeqarfiullu pisinnaatitaaf-fiata avataaniittut, kiisalu suliat nalornisitsisut, suliatut ataasiakkaatut oqaluuserineqar-tussatut aningaasaqarnermut ataatsimiititaliamut kommunalbestyrelsimullu saqqummi-unneqartassapput.

Kommunalbestyrelsimut ilisimatitsissutissat:

Qinnuteqaatit akuersissutillu tunniunneqartut tamatigut kommunalbestyrelsip ataatsi-miinnerani ilisimatitsissutitut saqqummiunneqartassapput.

5. Qinnuteqaatinik suliarinnineq

Qinnuteqaammik tigusaqarnermi makku maluginiarneqartassapput:

- Piginnittumit, attartortumit, ingerlatseqatigiiffimmit imaluunniit peqatigiiffimmit qinnuteqaammut, inip angissusianik aaqqissuunneqarneranillu titartakkat ilanngunneqartassapput. Ingerlatseqatigiiffimmit imaluunniit peqatigiiffimmit qinnuteqaat peqataasumit imaluunniit siulersuisuni ilaasortamit tunniunneqassaaq.
- Akuersineq sioqqullugu Akileraartarnermut allaffimmit illuliornermut ikuallatsaalii-nermut oqartussat saaffigineqassapput, taakkulu ini inissiiffiginiarneqartoq misis-soqqullugu qinnuigineqassapput, inissiiffiusup aaqqissuunnerata akuerineqarnissaa

imaluunniit allannguutissaanik piumasaqarnissaq aammalu qimaaffissiatut aqquutissaasut akuerinissaat siunertaralugit.

- Aningaasanik ikisilluni pinnguaatinut allanut akuersissummik peqareerluni qinnuteqartoqartillugu akuersissutilluunniit atuunneri sivitsortinniarlugit qinnuteqartoqarnerani, qinnuteqartoq akileraarutinik akiitsugaqarnersoq paasiniallugu Akileraartarnermut pisortaqarfik atassuteqarfigineqassaaq.
- Aningaasanik ikisilluni pinnguaatinik B-nr.-mit allanut nuussiniarluni qinnuteqaatit, nutaamik qinnuteqarnermut suliarineqassapput.
- Suliat, kommunalbestyrelsi allaffeqarfimmut pisinnaatitaaffiliinerata avataaniittut, kommunalbestyrelsimut innersuussiornissaat siunertaralugu aningaasaqarnermut ataatsimiititaliamit oqaluuserineqassapput.

Akuersissuteqarnissamik neriorsuutit

- Kommunalbestyrelsi (allaffeqarfik) aningaasanik ikisilluni pinnguaatinik inissiiinissamut akuersissummik tunniussinissamut siumoortumik oqaaseqaammik atuuttussamik tunniussissaaq (matuma kingorna neriorsuummik taaneqartoq).
- Sisimiuni Politiit aammalu Akileraartarnermut pisortaqarfik neriorsuutip assilineranik nassinneqassapput.

Akuersissut

- Akuersissummik inaarutaasumik tunniussineq sioqqullugu politiit (kommunalbestyrelsi neriorsuuteqarneranik nassinneqartut) aammalu ikuallatsaaliineranut oqartussat (suliap suliarineqarneranut atatillugu piumaneqartoq) akuersissutaat tiguneqarsimasapput.
- Aningaasanik ikisilluni pinnguaatinik inissiiinissamut akuersissutip atuutilerana allallugu akuersissut piginnittumut/attartortumut tunniunneqassaaq; ingerlatseqatigiiffinnut, peqatigiiffinnut il.il. peqataasunut/siulersuisuni ilaasortaasumut tunniunneqassalluni.
- Akuersissummik ataatsimik amerlanerusunik tunniussisoqarpat, aningaasanik ikisilluni pinnguaatinut ataasiakkaarlugit atuuttunut akuersissutit tunniunneqassapput, kiisalu akuersissummik piginnittoq erseqqissaavigineqassalluni, akuersissut aningaasanik ikisilluni pinnguaammi ersittumut ikkunneqassasoq.
- Akuersissut ukiuni marlunni atuuttussatut tunniunneqassaaq aalajangersimasumillu inissinneqarnissaanut ilanngullu illup B-nr.-ua allanneqassalluni.
- Akuersissummik piginnittoq, allakkani akuersissummik ilanngunneqartuni erseqqissaavigineqassaaq, meeqqat/inuusuttut 18-it inorlugit ukiullit aningaasanik ikisilluni pinnguaatinik, pinnanniutinik atueqqusaanngitsut.
- Akuersissummik pigisaqartumut malitsitit allakkatigut maluginiaqquneqassaaq, akuersissut aningaasanik ikisilluni pinnguaatit pillugit inatsisinik malitsisinissaaq tunngavigalugu tunniussaammat. Aningaasanik ikisilluni pinnguaatinut Inatsisartut inatsisaat, nalunaarutaat ilitersuutaallu atuuttut akuersissummik ilanngullugit nassiunneqarput.
- Sisimiuni Politiit Akileraartarnermilu pisortaqarfik allakkat kiisalu akuersissutip assilineranik nassinneqassapput.

5.1 Allanut tunngasut, maluginiarneqartussat

- Kommunalbestyrelsi (allaffeqarfiup) neriorsuuteqarluni nalunaaruteqarneraniit qaammatit arfinillit qaangiutsinnagit aningaasanik ikisilluni pinnguaatit inissinneqareersimassapput. Tamanna pinngippat neriorsuuteqarneq atorunnaassaaq.
- Qinnuteqaateqartoq siusinersukkut akuersissummik arsaarneqarsimappat, kommunalbestyrelsi itigartitsisinnaavoq.

- Qinnuteqartoq aningaasanik ikisilluni pinnguaatinut akileraarutitigut akiitsoqarpat, akuersissummik tunineqarsinnaanngilaq.
- Akuersissummik pigisaqartoq kingusinnerpaamik pinnguaammik ikkusinerit tamaasa Dansk Teknologisk Institut-ip, Force Instituttet-ip allalluunniit akuerisaasup upper-narsaataanik tunniussisassaaq.

5.2 Akuersissummik atorunnaarsitsineq

Annertuunik arlaleriarluniluunniit tulliuuttutigit unioqquitsisoqarsimappat kommunalbestyrelsip akuersissut atorunnaarsissinnaavaa:

Siumoortumik mianersoqqussuteqarnerup kingorna:

- Akuersissut aningaasanik ikisilluni pinnguaammik ersittumut ikkunneqarsimanngippat
- Inuit 18-it inorlugit ukiullit iluanaarniutigalugit pinnguaatinik atuisarpata.
- Kommunalbestyrelsip ammarsarfissatut aalajangersagai unioqquatinneqarpata

Siumoortumik mianersoqqussutitaqanngitsumik:

- Aningaasanik ikisilluni pinnguaammik/-tinik inissiinissamut akuersinermi tunngaviusut allannguuteqarsimanerat kommunalbestyrelsimut nalunaarutigineqanngippat, aningaasanillu ikisilluni pinnguaat inigisaminit nuunneqarsimanngippat.
- Aningaasanik ikisilluni pinnguaatip akuersissuteqarfiusup allamut nuunneqarnera siqqullugu kommunalbestyrelsimut akuersissummik qinnuteqartoqarsimanngippat.
- Allatigut atornerluineq (soorlu aningaasanik ikisilluni pinnguaatinik piginnittoq akuersissutinik arlalinnik tunineqarnermi kingorna, pinnguaammik imaluunniit arlalinnik akuersissuteqanngitsumik ikkuseqqittoq).

5.3 Atorunnaarsitsineq/toqqorsineq

Aningaasanik ikisilluni pinnguaat atorunnaarneqartutut kommunalbestyrelsimut nalunaarutigineqarpat, akuersissut toqqorneqarpat utertinneqarpalluunniit makku maluginarneqassapput:

- Immikkut: “Aningaasanik ikisilluni pinnguaammik akuersissutip atorunnaarsillugu nalunaarutiginerani immersugassaq” piginnittumut/attartortumut akuersissummik atorunnaarsitsiniartumut/toqqorsiniartumut tunniunneqassaaq. Immersuereernerullu kingorna akuersissutivittaanut ilanngullugu kommunimut tunniunneqassaaq.
- Aningaasanik ikisilluni pinnguaatip peerneqarsimanissaa Akileraartarnermut allaffiup qulakkiissavai, taamaalilluni kikkulluunniit, peqatigiiffimmut ilaasortat assigisaallu aningaasanik ikisilluni pinnguaatip inissisimaffianut isersinnaajunnaarlugit. Tamanna illuliornermut ikuallatsaaliinermullu oqartussat misissueqqullugit saaffiginerisigut piviusumik suliarineqassaaq. Tamanna pisimanngippat, kommunip Akileraartarnermut pisortaqarfik saaffigissavaa.

6. Nakkutilliineq

Tulliuuttutigit nakkutilliineq kommunimit isumagineqassaaq:

- aningaasanik ikisilluni pinnguaatinik akuersissutitaqanngitsunik inissiisoqannginnissaa (akuersissut atorunnaartutut nalunaarutigineqarsimanersoq ilanngullugu, toqqortinneqarsimanersoq atorunnaarsilluguluunniit, aningaasanik ikisilluni pinnguaat kikkunilluunniit atorneqarsinnaajunnaarlugu peerneqarsimappat kiisalu akuersissutit tunniunneqareersut kommunimut tunniunneqarpata)
- aningaasanik ikisilluni pinnguaatini ataasiakkaani akuersissutit ersittumut ikkussimanissaa
- aningaasanik ikisilluni pinnguaatit akuerineqartumik inissaminnut inissisimanersut

- aningaasanik ikisilluni pinnguaammut piginninnermut attartornermulluunniit tunngasut allannguuteqarsimannginneri
- aningaasanik ikisilluni pinnguaatit inissinneqarsimasut, akuersissutit tunniunneqartut amerlassusiinut naapertuunnersut
- inuit 18-it inorlugit ukiullit iluanaarniutigalugit pinnguaatinik atuisannginnissaat

Aningaasanik ikisilluni pinnguaatit akuersissutitaqanngitsumik, atorunnaartutut, toqqor-neqartutut nalunaarutigineqartut akuersissutitaalluunniit utertinneqarsimasut inissinne-qarsimanerat paasineqarpat, aningaasanik ikisilluni pinnguaatit tamanit iserneqarsinnaa-sumit peerneqarnissaat kommunip - politiilluunniit ikiortigalugit - qulakkiissavaa.

Unioqqutitsineq/-nerit Akileraartarnermut pisorta qarfimmu nalunaarutigineqassapput, akiliisitaanermik akisussaaffeqarsinnaaneq tassani isummerfigineqassalluni.

7. Naammagittaalliorfissaq

Kommunalbestyrelsip aalajangiinera sapaatit akunneri sisamat qaangiutsinnagit Naalak-kersuisunut ingerlateqqinneqarsinnaavoq.

Aalajangiinermi qinnuteqartoq tamakkiisumik taparserneqanngippat/ akuerineqanngip-pat Pisortat ingerlatsineranni suliassat suliarineqartarnerat pillugu Inatsisartut inatsisaat nr. 8, 13. juni 1994-imeersumi § 25, aammalu aningaasanik ikisilluni pinnguaatinut aki-leraartarneq pillugit Inatsisartut inatsisaat nr. 3, 17. maj 1990-imeersumi § 9, naapertor-lugit Naalakkersuisunut maalaaruteqarsinnaaneraniq ilitsersuinissaq Kommunalbestyrel-sip pisussaaffigaa.

8. Atuutilernera

Inunnut, aningaasanik ikisilluni pinnguaatinut akuersissutinik atuuttunik ullumikkut pi-gisaqartunut, malittarisassat manna tikillugu atuuttut akuersissutip atorunnaarnissaata tungaanut atuutiinnassapput. Akuersissummik nutarterinissami najoqqutassiat uku atuu-tilissapput.

Najoqqutassiat siuliani allassimasut allanngortinniarnerni / ilanngussiniarnerni allan-guutissatut siunnersuutit kommunalbestyrelsimi oqaluuserineqarnissaat sioqqullugu Kalaalli Nunaanni Sulisitsisut peqatigiiffiat kiisalu Akileraartarnermut pisorta qarfik tusarniaavigineqassapput, tusarniaaneq qaammammik ataatsimik sivisussusilerlugu.

Allannguutissat/ilanngussassat kommunalbestyrelsimi akuerineqarnissaat pisariaqar-poq.

Najoqqutassiat uku aggustip 25-ani 2009-miit atuutilerput.


Hermann Berthelsen
borgmesteri


Paneeraq Olsen
kommunemi pisortaaneq